



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Benedicti Ariæ Montani Hispalensis Poemata**

In Qvatvor Tomos Distincta

Humanæ salutis Monumenta, & Odæ variæ

**Arias Montano, Benito**

**Antverpiæ, 1589**

In tabulam expugnatarum gentium. Ode Tricòlos Tetrastrophos. XVIII.

**urn:nbn:de:hbz:466:1-44973**

MONUMENTA.

29

Sic & Aegypti miseris redempta  
Vinculis felix manus, aduocanti &  
Obsequens verbo, tenuit quietus  
Regna beatae.

Hinc inaccessos trepidare montes,  
Hinc opes visa est solito priores  
Largius turbæ venienti in usum  
Fundere tellus.

Primus & custos regionis, altum  
Sensit ut numen, renuens morari,  
Fluminis portam vitream tumentis  
Pandit iarden.

CONSTANTIAE FRUCTVS.

Felix qui monitisque Dei verbisque benigni  
Audiit, ille sacrae compos erit patriæ.

FIDELI DEO S.

In tabulam expugnatarum gentium.

Ode *Tricòlos Tetrastryphos.* XVIII.

**A**vdita quantum vox valeat Dei  
Rerum nouandis cursibus edere,  
Vidère, qui dicto audientes,  
Castra loci tetigere odori.

Insucta terris turma recentibus,  
Vastis neque ampli corporis artibus  
Aequanda cum vulgo tumentum,  
Quos regio tulerat, gigantum;

Densis sed vna cum populis tamen  
Exercitati robore proelii,  
Non parua molitos tyrannos  
Consilia exsuperavit hospes.

Antiqua namque hos crimina, cum suis  
Damnata prorsus gentibus, vltimas  
Perferre pœnas, atque auitis  
Tradiderant spoliare fundis.

Quos non labore, at numine vindice  
Dux sternit instans. Adsumus, adsumus  
Vltoris æterni ministri,  
Atque suos peragentis orsus.

Vexata:

Vexata tellus fraudibus impiis,  
 Prolem nefandi conuomuit Chami,  
 Natosque suscepit fidelis  
 Hospitis, & memor & beata.  
 Arcana quo iam nomina maximi  
 Doctore primùm numinis audiit:  
 Qui secla, caelestesque turmas  
 Vnus agit moderator aequus.  
 Turrita iusto moenia iudici  
 Firmata vastis vectibus, & trabes  
 Cessere, & ingenti ruina  
 Sponte sua patere muri.

## ANIMADVERSTIO MATVRESCENS.

Non gladio aut numero, non vi, sed numinis alti  
 Consiliis certis vincere magna datur.

DEO VLTORI IVSTO S.

In tabulam terræ distributæ.

## Ode Tricolos Tetraſtrophos. XIX.

**D**ifferta rerum diuite copia  
 Munita densis gentibus, arduo &  
 Vallata murorum redudū,  
 Regna cadunt pereuntque iniqua.  
 Collata quamuis consilia, & manus,  
 Et conuocatis fœdera regibus,  
 Armisque fulgentes iniquas  
 Munierint populi rapinas:  
 Solum potentis consilium Dei  
 Exfors refringi, permanet & quibus  
 Audita præmonstrant vocantis  
 Dicta viam intrepidè obsecutis.  
 Extructa multis oppida sumptibus,  
 Implera; auro posteritas Chami,  
 Et gemma & ostræ prænitentis,  
 Velleribusque, opibusque magistrae  
 Sed fraude cæca ac præcipiti dolo  
 Quæsitæ, fœdisque vsibus addita,  
 Proscripsit integri potestas  
 Iudicis dominosque pressit.

Hic